

	<h1>SLUŽBENE NOVINE OPĆINE GORAŽDE</h1>	
<p>Godina VI</p>	<p>10. juli 2013. godine GORAŽDE</p>	<p>Broj 6</p>

1042

Na osnovu člana 18. i 84. Statuta Općine Goražde („Službene novine Bosansko – podrinjskog kantona Goražde“, broj: 13/07), a u skladu sa članom 26. Zakona o popisu stanovništva, domaćinstava i stanova u Bosni i Hercegovini 2013. godine („Službeni glasnik BiH“, br: 10/12 i 18/13) i člana 7. Stav 1. Zakona o organizaciji i provođenju popisa stanovništva, domaćinstava i stanova 2013. godine u Republici Srpskoj („Službeni glasnik RS“, broj: 70/12 i 39/13), Općinsko vijeće Općine Goražde na svojoj 2. vanrednoj sjednici, održanoj dana 03.07.2013. godine, d o n o s i

ODLUKU

o formiranju Popisne komisije Općine Goražde
za popis stanovništva, domaćinstava i stanova
u BiH 2013. godine

Član 1.

Ovom Odlukom formira se Popisna komisija Općine Goražde za popis stanovništva, domaćinstava i stanova u Bosni Hercegovini 2013. godine.

U sastav Komisije imenuju se:

1. Ramić Nezim - predsjednik Komisije - zaposlenik Službe za geodetske, imovinsko- pravne poslove i katastar nekretnina;
2. Petrović Dejan – član Komisije;
3. Kuharić Ljiljana - član Komisije i
4. Klovo Haris - član Komisije.

Član 2.

Popisna komisija Općine Goražde obavlja sljedeće poslove:

- Rukovodi pripremama, organiziranjem i provođenjem popisa na teritoriji Općine,
- Vršiti izbor i imenovanje instruktora i popisivača za područje Općine,
- Obavještava stanovništvo o značaju popisa, načinu i vremenu njegovog provođenja, o pravima i dužnostima građana i načinu izvršavanja obaveza u popisu,
- Brine o pravilnoj primjeni metodoloških i organizacijskih uputstava,
- Preuzima štampani popisni materijal i dijeli ga instruktorima, koji ga dalje distribuiraju popisivačima,
- Osiguravaju prostorije i uslove za provođenje obuke općinskih instruktora i popisivača,
- Provodi nadzor nad radom instruktora i ostalih učesnika u popisu,
- Izdaje propisana ovlaštenja za rad učesnicima u popisu,
- Preduzima mjere koje garantuju kompletan obuhvat jedinica popisa,
- Preuzima popisni materijal od instruktora, organizira i kontrolira obuhvat i kvalitet popisnog materijala,
- Osigurava skladištenje popisnog materijala uz ispunjenje propisanih sigurnosnih mjera i uslova određenih Zakonom o zaštiti ličnih podataka,
- Organizuje prevoz i blagovremeno dostavljanje popisnog materijala na mjesto unosa,
- Priprema obračun troškova nastalih za pripremu i provođenje popisa, u skladu sa instrukcijama.

Član 3.

Za svoj rad Popisna komisija Općine Goražde odgovara Kantonalnoj popisnoj komisiji za područje BPK Goražde i Federalnom zavodu za statistiku.

Popisna komisija po završetku poslova iz člana 2. Odluke, podnosi izvještaj o radu institucijama iz prethodnog stava, najkasnije do 31.10.2013. godine.

Član 4.

Sredstva za finansiranje rada Popisne komisije lokalne samouprave osiguravaju se u Budžetu Bosne i Hercegovine.

Član 5.

Mandat članova Popisne komisije lokalne samouprave traje do završetka poslova i aktivnosti popisa stanovništva, domaćinstava i stanova.

Član 6.

Ova Odluka stupa na snagu danom donošenja i bit će objavljena u „Službenim novinama Općine Goražde“.

Broj:01-02-1-2646

Goražde, 03.07. 2013. godine
ZAMJENIK PREDSJEDAVALA VIJEĆA
Džihanić Nudžeim, dipl.ecc.

1043

Na osnovu člana 18. i 84. Statuta Općine Goražde (“Službene novine Bosansko-podrinjskog kantona Goražde”, broj:13/07) i člana 40. stav 2. Zakona o dugu, zaduženju i garancijama Federacije Bosne i Hercegovine (“Službene novine Federacije BiH”, br. 86/07 i 24/09), Općinsko vijeće Goražde na 9. redovnoj sjednici, održanoj dana 08.07.2013. godine,
d o n o s i:

O D L U K U

o davanju prethodne saglasnosti za kreditno zaduženje, za realizaciju projekata razvoja infrastrukture u Goraždu

Član 1.

Općinsko vijeće Općine Goražde daje prethodnu saglasnost za pokretanje procedure kreditnog zaduženja Općine Goražde kod

Saudijskog fonda za razvoj, u iznosu do 10.000.000,00 USD, radi realizacije projekata razvoja infrastrukture u Goraždu.

Član 2.

Konačna odluka o zaduženju bit će donijeta po okončanju pregovora na državnom nivou, kojim će se utvrditi uslovi kreditnog zaduženja, a sve u skladu s Kreditnim sporazumom sa Saudijskim fondom za razvoj i Zakonom o dugu, zaduživanju i garancijama u Federaciji Bosne i Hercegovine.

Član 3.

Zadužuje se Načelnik Općine da ovaj projekat kandiduje kao visokoprioritetni projekat Općine za Program javnih investicija Federacije Bosne i Hercegovine.

Član 4.

Ova Odluka dostavit će se Federalnom ministarstvu finansija na dalje postupanje.

Član 5.

Ova Odluka stupa na snagu danom objavljivanja u “Službenim novinama Općine Goražde”.

Broj:01-02-1-2713

Goražde, 08.07.2013.godine
PREDSJEDAVALA VIJEĆA
Jelena Mirković

1044

Na osnovu odredaba člana 25. stav 1. Zakona o građevinskom zemljištu FBiH (“Službene novine Federacije BiH” broj: 25/03), člana 13. Zakona o principima lokalne samouprave u Federaciji Bosne i Hercegovine (“Službene novine FBiH” broj: 49/06) i člana 18., 77. i 84. Statuta Općine Goražde (“Službene novine Bosansko-podrinjskog kantona Goražde” broj: 13/07), Općinsko vijeće Općine Goražde na 9. redovnoj sjednici, održanoj dana 08.07.2013. godine, donosi:

O D L U K U***o prihvatanju ponude Bistrivoda Akifa i Lihić Enise za kupovinu neizgrađenog gradskog građevinskog zemljišta*****Član 1.**

Prihvata se ponuda Bistrivoda Akifa iz Goražda i Lihić Enise iz Sarajeva, zastupana po punomoćniku Bistrivoda Akifu, od 23.05.2013.godine, zavedena pod brojem 07-1-31-10-2022/13, kojom Općini Goražde nudi kupovinu neizgrađenog gradskog građevinskog zemljišta, koje se nalazi u naselju Kuta u Goraždu, po ponuđenoj cijeni u iznosu od 28,00 KM po 1m², što za ukupnu površinu zemljišta od 195 m² iznosi 5.460,00 KM, radi obezbjeđenja građevinskog zemljišta za izgradnju lokalne saobraćajnice na ovom lokalitetu.

Član 2.

Odobrava se kupovina u korist Općine Goražde gradskog građevinskog zemljišta iz člana 1. ove Odluke, koje je u katastarskom operatu premjera i katastra zemljišta označeno kao:

- k.č. 3355/3 zvano "Kuta" po kulturi oranica/njiva 2. klase u površini od 195 m², koja je upisana u P.I. broj: 133 K.o. Goražde I, na ime Bistrivoda Mustafe Akif sa 1/2 dijela posjeda i Lihić Mustafe Enisa r. Bistrivoda sa 1/2 dijela posjeda, po cijeni u iznosu od 28,00 KM po 1m², što za ukupnu površinu zemljišta od 195 m² iznosi 5.460,00 KM (pet hiljada i četiri stotine šezdeset konvertibilnih maraka).

Član 3.

Novčana sredstva iz člana 2. ove Odluke obezbjedit će se iz budžeta Općine Goražde za 2013. godinu, sa ekonomskog koda 821111-izgradnja lokalne saobraćajnice u naselju Kuta u Goraždu.

Član 4.

Ovlašćuje se Načelnik Općine Goražde da zaključi kupoprodajni ugovor sa prodavcem, s tim što će Općina Goražde snositi sve troškove prenosa prava vlasništva.

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-2709

Goražde, 08.07.2013. godine

PREDSJEDAVALA VIJEĆA

Jelena Mirković

1045

Na osnovu člana 18. i 84. Statuta Općine Goražde ("Službene novine BPK-a Goražde", broj: 13/07), i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Općine Goražde", broj: 06/12), Općinsko vijeće Općine Goražde na svojoj 9. redovnoj sjednici, održanoj dana 08.07.2013. godine, d o n o s i:

O D L U K U

o davanju u zakup garaže u vlasništvu Općine Goražde

Član 1.

Općina Goražde neposrednom pogodbom daje u zakup, na određeno vrijeme, na rok od 5 godina, garažu broj 13., koja se nalazi u Ulici 1. drinske brigade bb u Vitkovićima, Subašić Mireli iz Vitkovića, za smještaj putničkog vozila, uz mjesečnu zakupninu od 15,00 KM + PDV što ukupno iznosi 17,55 KM.

Član 2.

Ovlašćuje se Načelnik Općine da zaključi ugovor o zakupu garaže iz člana 1. ove Odluke, kojim će se regulisati bliža prava i obaveze ugovornih strana.

Član 3.

Ukoliko Općina Goražde sa licem iz člana 1. ne zaključi ugovor o zakupu ove garaže u roku od 30 dana, od dana stupanja na snagu ove Odluke, ista prestaje da važi.

Član 4.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj: 01-02-1-2717

Goražde, 08.07.2013.godine

PREDSJEDAVALA VIJEĆA

Jelena Mirković

1046

Na osnovu člana 18. i 84. Statuta Općine Goražde ("Službene novine BPK-a Goražde", broj: 13/07) i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Općine Goražde", broj: 06/12), Općinsko vijeće Goražde na 9. redovnoj sjednici, održanoj dana 08.07.2013. godine, d o n o s i:

O D L U K U

o davanju na korištenje poslovnih prostorija u vlasništvu Općine Goražde, JU Dom zdravlja "Dr. Isak Samokovlija" Goražde

Član 1.

Općina Goražde daje na korištenje, na određeno vrijeme, na rok od 5 godina, bez naknade, poslovne prostorije površine 120 m², koje se nalaze u Ulici 43. drinske brigade, do br.10. (u prizemlju poslovno-stambene zgrade Potkovića) u Goraždu, JU Dom zdravlja "Dr. Isak Samokovlija" Goražde, za rad Centra za fizikalnu medicinu i rehabilitaciju.

Član 2.

Ovlašćuje se Načelnik Općine da zaključi ugovor o korištenju poslovnih prostorija iz člana 1. ove Odluke, kojim će se regulisati bliža prava i obaveze ugovornih strana.

Član 3.

Ukoliko Općina Goražde sa licem iz člana 1. ne zaključi ugovor o korištenju ovih poslovnih prostorija, u roku od 30 dana od dana stupanja na snagu ove Odluke, ista prestaje da važi.

Član 4.

Budući korisnik poslovnih prostorija iz člana 1. ove Odluke dužan je vršiti redovno održavanje poslovnih prostorija, te ih održavati u ispravnom stanju o vlastitom trošku, plaćati režijske troškove (struja, voda, kanalizacija i dr.) kao i ostale zakonom propisane obaveze - PDV, u iznosu od 40,80 KM (120m² x 2 KM= 240,00 KM x 17% PDV= 40,80 KM).

Član 5.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-02-1-2716
Goražde, 08.07.2013.godine
PREDSJEDAVALA VIJEĆA
Jelena Mirković

1047

Na osnovu člana 18. i 84. Statuta Općine Goražde ("Službene novine BPK-a Goražde", broj: 13/07), i člana 12. stav 3. Odluke o jedinstvenom načinu ustupanja, korištenja i zaštite poslovnih prostorija i zgrada u vlasništvu Općine Goražde ("Službene novine Općine Goražde", broj: 06/12), Općinsko vijeće Goražde na 9. redovnoj sjednici održanoj dana 08.07.2013. godine, d o n o s i:

O D L U K U

o davanju u zakup poslovne prostorije u vlasništvu Općine Goražde, BPS Sefer Halilović- Općinska organizacija Goražde

Član 1.

Općina Goražde neposrednom pogodbom daje u zakup na određeno vrijeme, na rok od 5 godina, poslovnu prostoriju površine 16 m² (jedna kancelarija u zgradi bivše Stare pošte) u Ul. Seada Sofovića Sofe bb. u Goraždu, BPS Sefer Halilović – Općinska organizacija Goražde, radi rješavanja njihovog sjedišta.

Član 2.

Visina zakupnine za poslovnu prostoriju iz člana 1. ove Odluke utvrđuje se u iznosu od 2,00 KM/m² + PDV, što ukupno mjesečno iznosi 37,44 KM (16 m² x 2,00 KM = 32,00 KM x 17 % PDV 5,44 = 37,44 KM).

Član 3.

Ovlašćuje se Načelnik Općine da zaključi ugovor o zakupu poslovne prostorije iz člana 1. ove Odluke, kojim će regulisati bliža prava i obaveze ugovornih strana po osnovu zakupa.

Član 4.

Ukoliko Općina Goražde sa licem iz člana 1. ne zaključi ugovor o zakupu ove poslovne prostorije u roku od 30 dana, od dana stupanja na snagu ove Odluke, ista prestaje da važi.

Član 5.

Obavezuje se budući zakupac da redovno plaća režijske troškove (struja, voda, kanalizacija i dr.) koje budu potraživale ovlaštene organizacije i institucije, po osnovu predmetne poslovne prostorije.

Član 6.

Ova Odluka stupa na snagu osmog dana od dana objavljivanja u "Službenim novinama Općine Goražde".

Broj:01-02-1-2715

Goražde, 08.07.2013.godine

PREDSJEDAVALA VIJEĆA

Jelena Mirković

1048

Na osnovu člana 38. stav 1. Zakona o prostornom uređenju i građenju Bosansko-podrinjskog kantona Goražde, ("Službene novine Bosansko-podrinjskog kantona Goražde", broj:15/09 i 04/13) i člana 18. i 84. Statuta Općine Goražde, ("Službene novine Bosansko-podrinjskog kantona Goražde", broj: 13/07), Općinsko vijeće Općine Goražde, na 9. redovnoj sjednici, održanoj dana 08.07. 2013.godine, d o n o s i:

O D L U K U

o pristupanju izrade izmjena Regulacionog plana „Vitkovići“ Goražde

Član 1.

Ovom Odlukom pristupa se izradi izmjena Regulacionog plana „Vitkovići“ Goražde.

Član 2.

Granica obuhvata izmjena Regulacionog plana „Vitkovići“ Goražde čine granice izmijenjenog Regulacionog plana „ Vitkovići“, usvojenog Odlukom o usvajanju i provođenju izmjena Regulacionog plana „Vitkovići“ („ Službene novine Općine Goražde“ br: 7/11).

Član 3.

Nosilac priprema za izradu izmjena Regulacionog plana „Vitkovići“ Goražde je Načelnik Općine Goražde putem Službe za prostorno uređenje i komunalne poslove.

Nosilac izrade navedenog plana bit će odabran u skladu sa odredbama Zakona o javnim nabavkama u Bosni i Hercegovini („Službeni glasnik BiH“, broj: 49/04 i 19/05).

Član 4.

Regulacioni plan će biti izrađen u skladu sa metodologijom i pozitivnim zakonskim propisima koji se odnose na izradu dokumenata prostornog uređenja.

Član 5.

Regulacioni plan se donosi za period od pet godina od dana objavljivanja u Službenim novinama.

Član 6.

Sredstva za izradu Plana bit će obezbjeđena iz sredstava koja se nalaze na računu za posebne namjene Općine Goražde.

Član 7.

Rokovi izrade Regulacionog plana su:

- Pribavljnje analitičko-dokumentacione osnove i idejno rješenje.....30 dana,
- Izrada prednacrti i utvrđivanje nacrti 90 dana,
- Javna rasprava 30 dana,
- Izrada prijedloga R.P..... 30 dana,
- Razmatranje i usvajanje plana.....30 dana,

Član 8.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2714

Goražde, 08.07.2013. godine

PREDSJEDAVALA VIJEĆA

Jelena Mirković

1049

Na osnovu člana 18. i člana 84. Statuta Općine Goražde („Službene novine Bosansko-podrinjskog kantona Goražde“, broj: 13/07), člana 37. Poslovnika Općinskog vijeća Općine Goražde („Službene novine Općine Goražde“, broj: 2/08) i člana 2. Odluke o utvrđivanju javnih priznanja Općine Goražde („Službene novine Bosansko- podrinjskog kantona Goražde“, broj: 2/05 i 11/06), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i

O D L U K U
o imenovanju Odbora za dodjelu javnih
priznanja Općine Goražde

Član 1.

U Odbor za dodjelu javnih priznanja Općine Goražde imenuju se:

1. Rasim Ligata – predsjednik,
2. Esad Sudić – zamjenik predsjednika,
3. Jasmin Haznadar – član,
4. Nihad Ćulov - član,
5. Bajro Obuća– član,
6. Selver Tozo– član i
7. Edin Terović- član.

Član 2.

Mandat članova Odbora poklapa se sa mandatom vijećnika sadašnjeg saziva Općinskog vijeća.

Član 3.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2712
Goražde, 08.07.2013. godine
PREDSJEDAVALA VIJEĆA
Jelena Mirković

1050

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“), broj:13/07 i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko- podrinjskog kantona Goražde“, broj: 02/00, 16/06 i 12/09), Općinsko vijeće Općine Goražde na 9. redovnoj sjednici, održanoj dana 08.07.2013. godine , d o n o s i:

O D L U K U

o dodjeli kreditnih sredstava TR „HENA“, vl. Zuko Alma iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“

Član 1.

Odobravaju se kreditna sredstva TR „HENA“, vl. Zuko Alme iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“ , u iznosu od 8.000,00 KM (osam hiljada konvertibilnih maraka) pod slijedećim uslovima:

Rok otplate 36 mjeseci od dana početka korištenja kreditnih sredstava,
Kamatna stopa 3% godišnje, uz obračun i plaćanje mjesečno unazad, najkasnije do sedmog u mjesecu za protekli mjesec,
Za dodjeljenih 8.000,00 KM (osam hiljada konvertibilnih maraka) korisnik kredita je obavezan uposliti jednog radnika, sa kojim zaključuje ugovor o radu, i zadržati ga u radnom odnosu najmanje dok traje otplata kredita.

Član 2.

Korisnik kreditnih sredstava TR „HENA“, vl. Zuko Alme iz Goražda, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uslovima iz člana 1. ove Odluke i to- obrazac od specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za uposlenog radnika, uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke TR „HENA“, vl. Zuko Alme iz Goražda, će obezbjediti dva žiranta prihvatljiva za Privrednu banku Sarajevo.

Član 4.

TR „HENA“, vl. Zuko Alme iz Goražda, je obavezna da sredstva dugoročnog kredita vraća u jednakim mjesečnim anuitetima na transakcioni račun broj :101140000001617 kod Privredne banke Sarajevo, do sedmog dana u mjesecu.

Član 5.

U slučaju nepoštivanja odredaba ove Odluke od strane TR „HENA“, vl. Zuko Alme iz Goražda, kredit se u tom momentu smatra u

cijelosti dospjelim za naplatu i Banka će poduzeti sve zakonske mjere za naplatu istog.

Član 6.

Ovlašćuje se Načelnik Općine Goražde da zaključi Ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke, kojim će se regulisati bliža prava i obaveze ugovornih strana.

Ukoliko se Ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2710
Goražde, 08.07.2013. godine
PREDSJEDAVALA VIJEĆA
Jelena Mirković

1051

Na osnovu člana 18. i 84. Statuta Općine Goražde („Službene novine Bosansko-podrinjskog kantona Goražde“), broj:13/07 i Odluke o usvajanju Programa utroška novčanih sredstava prikupljenih od prodaje poslovnih prostora u vlasništvu Općine Goražde, utvrđivanju organa i postupaka dodjele kredita za podsticanje zapošljavanja („Službene novine Bosansko-podrinjskog kantona Goražde“, broj: 02/00, 16/06 i 12/09), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

O D L U K U

o dodjeli kreditnih sredstava TR „MAGAZA“
,vl. Mulahmetović Rešad iz Goražda, iz
„Namjenskog depozita Općine Goražde u cilju
bržeg zapošljavanja na području Općine
Goražde“

Član 1.

Odobravaju se kreditna sredstva TR „MAGAZA“ ,vl.Mulahmetović Rešada iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“ , u iznosu od 8.000,00 KM (osam

hiljada konvertibilnih maraka) pod slijedećim uslovima:

Rok otplate 36 mjeseci od dana početka korištenja kreditnih sredstava,
Kamatna stopa 3% godišnje, uz obračun i plaćanje mjesečno unazad, najkasnije do sedmog u mjesecu za protekli mjesec,
Za dodjeljenih 8.000,00 KM (osam hiljada konvertibilnih maraka) korisnik kredita je obavezan uposliti jednog radnika, sa kojim zaključuje ugovor o radu, i zadržati ga u radnom odnosu najmanje dok traje otplata kredita.

Član 2.

Korisnik kreditnih sredstava sredstva TR „MAGAZA“, vl. Mulahmetović Rešada iz Goražda, se obavezuje da će Općini Goražde svakog drugog mjeseca dostavljati dokaze o uplati poreza i doprinosa na ime novouposlenog radnika pod uslovima iz člana 1. ove Odluke i to- obrazac od specifikacije za isplatu plaća ovjeren od strane nadležne porezne uprave ili uvjerenje o uplatama poreza i doprinosa za uposlenog radnika, uz potpis uposlenog lica.

Član 3.

Za pokriće obaveza po osnovu izdatog kredita u skladu sa tačkom 1. ove Odluke TR „MAGAZA“, vl. Mulahmetović Rešada iz Goražda, će obezbjediti dva žiranta prihvatljiva za Privrednu banku Sarajevo.

Član 4.

TR „MAGAZA“, vl. Mulahmetović Rešada iz Goražda, je obavezan da sredstva dugoročnog kredita vraća u jednakim mjesečnim anuitetima na transakcioni račun broj :101140000001617 kod Privredne banke Sarajevo, do sedmog dana u mjesecu.

Član 5.

U slučaju nepoštivanja odredaba ove Odluke od strane TR „MAGAZA“, vl. Mulahmetović Rešada iz Goražda, kredit se u tom momentu smatra u cijelosti dospjelim za naplatu i Banka će poduzeti sve zakonske mjere za naplatu istog.

Član 6.

Ovlašćuje se Načelnik Općine Goražde da zaključi Ugovor o dodjeli kreditnih sredstava iz člana 1. ove Odluke, a u skladu sa odredbama ove Odluke, kojim će se regulisati bliža prava i obaveze ugovornih strana.

Ukoliko se Ugovor ne zaključi u roku od 30 dana od dana stupanja na snagu ove Odluke, ista prestaje da važi.

Član 7.

Ova Odluka stupa na snagu osmog dana od dana objavljivanja u „Službenim novinama Općine Goražde“.

Broj: 01-02-1-2711
Goražde, 08.07.2013. godine.
PREDSJEDAVAJUĆA VIJEĆA
Jelena Mirković

1052

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Usvaja se Izvještaj o radu Općinske izborne komisije za 2012. godinu sa finansijskim izvještajem.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2722
Goražde, 08.07.2013. godine
PREDSJEDAVAJUĆA VIJEĆA
Jelena Mirković

1053

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Zadužuje se predlagač Nacrta Odluke o proglašenju Općine Goražde Gradom da prije održavanja javne rasprave, sačini analizu prednosti i nedostataka koje sa sobom donosi usvajanje Odluke o proglašenju Općine Goražde Gradom.
2. Analiza iz člana 1. ovog Zaključka treba da sadrži sve što je potrebno, a propisano Ustavom i zakonima koji regulišu ovu oblast, u smislu da li osnivanjem Grada Goražda prestaje postojati Općina Goražde, odnosno da li će Grad Goražde u svom sastavu imati ili neće imati općine, koji bi bili organi Grada Goražda, način na koji bi se ti organi birali, jasno utvrđene nadležnosti organa Grada i druga pitanja koja su od značaja za osnivanje Grada Goražda.
3. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2721
Goražde, 08.07.2013. godine
PREDSJEDAVAJUĆA VIJEĆA
Jelena Mirković

1054

Na osnovu odredaba člana 25. Zakona o građevinskom zemljištu FBiH ("Službene novine Federacije Bosne i Hercegovine" broj: 25/03) i člana 18. i 84. Statuta Općine Goražde ("Službene novine Bosansko-podrinjskog kantona Goražde" broj: 13/07) i zahtjeva Sijerčić Rizaha iz Goražda, Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK**Član 1.**

ODBIJA SE ponuda Sijerčić (Hasiba) Rizaha iz Goražda za preuzimanje neizgrađenog gradskog građevinskog zemljišta u državnoj svojini, koje je u katastarskom operatu označeno kao k.č. 2518/1, u površini od 606 m², k.č. 2518/4, u površini od 948 m², k.č. 2520/1 u površini od 1.170 m² i k.č. 2520/3 u površini od 200 m², koje su upisane u P.I. br. 55 K.o.Goražde I, jer ne postoji interes Općine

Goražde da koristi prvenstveno pravo preuzimanja navedenog građevinskog zemljišta, obzirom na njegovu namjenu.

Član 2.

Podnosilac zahtjeva ne može izvršiti otuđenje zemljišnih parcela iz člana 1. ovog Zaključka ispod cijene u iznosu od 30.000 KM za ukupnu površinu od 2.924 m², o čemu će se starati Porezna uprava Kantonalni ured Goražde – Ispostava Goražde, kao mjesno nadležni organ uprave.

Član 3.

Zadužuje se Služba za geodetske, imovinsko pravne-poslove i katastar nekretnina Općine Goražde da ovaj Zaključak dostavi nadležnom organu iz člana 2. ovog Zaključka.

Član 4.

Ovaj Zaključak stupa na snagu narednog dana od dana donošenja.

Broj: 01-05-1-2720
Goražde, 08.07.2013.godine
PREDSJEDAVALA VIJEĆA
Jelena Mirković

1055

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Informacija o poslovnim prostorijama u vlasništvu Općine Goražde, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde”.

Broj: 01-05-1-2724
Goražde, 08.07.2013. godine
PREDSJEDAVALA VIJEĆA
Jelena Mirković

1056

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Informacija o realizaciji naplate finansijskih sredstava od HE Višegrad za period od 01.01.-31.12.2012. godine, prima se k znanju.
2. Zaključak stupa na snagu danom donošenja, a bit će objavljen u „Službenim novinama Općine Goražde”.

Broj: 01-05-1-2723
Goražde, 08.07.2013. godine
PREDSJEDAVALA VIJEĆA
Jelena Mirković

1057

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Utvrđuje se Nacrt Odluke o proglašenju Općine Goražda Gradom.
2. Nacrt Odluke o proglašenju Općine Goražda Gradom može poslužiti kao osnova za izradu prijedloga Odluke o proglašenju Općine Goražda Gradom, sa stavovima i primjedbama koje su iznijela radna tijela Vijeća i vijećnici na samoj sjednici Vijeća.
3. Nacrt Odluke o proglašenju Općine Goražde Gradom upućuje se na javnu raspravu koja će se organizovati na nivou jedne centralne javne rasprave za cijelo područje Općine Goražde.
4. Javnu raspravu provest će Komisija za statutarna pitanja i propise, uz saradnju sa Službom za društvene djelatnosti, opću upravu i zajedničke poslove i Službom za poslove Općinskog vijeća.
5. O rezultatima javne rasprave Komisija za statutarna pitanja i propise, podnijet će izvještaj Općinskom vijeću sa iznesenim primjedbama i mišljenjima o pojedinim pitanjima.
6. Rok za provođenje javne rasprave je do 30 dana.

7. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2719
Goražde, 08.07.2013. godine
PREDSJEDAVAJUĆA VIJEĆA
Jelena Mirković

1058

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Vijećnik Čeljo Senad povukao je inicijativu koju je podnio na 8. redovnoj sjednici, a odnosi se na donošenje Odluke o izmjeni Odluke o utvrđivanju koeficijenata za plaće funkcionera Općine Goražde, kojom bi se koeficijenti za plaće Predsjedavajućem Vijeća i zamjenicima Predsjedavajućeg Vijeća umanjili za 50 %.
2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2724
Goražde, 08.07.2013. godine
PREDSJEDAVAJUĆA VIJEĆA
Jelena Mirković

1059

U skladu sa članom 123. Poslovnika Općinskog vijeća Općine Goražde («Službene novine Općine Goražde», broj. 2/08), Općinsko vijeće Općine Goražde na 9. redovnoj sjednici, održanoj dana 08.07.2013. godine, d o n o s i:

ZAKLJUČAK

1. Prijedlog Odluke o davanju saglasnosti na Program utroška finansijskih sredstava iz Budžeta Općine Goražde za 2013. godinu sa ekonomskog koda 613-724 – usluge, opravke i održavanje cesta na području Općine Goražde, na putnim pravcima od interesa za Općinu Goražde, vraća se predlagaču na doradu kako bi se sredstva predviđena Programom uskladila sa

finansijskim sredstvima planiranim u Budžetu Općine Goražde za 2013. godinu.

2. Zaključak stupa na snagu danom donošenja, a bit će objavljen u „Službenim novinama Općine Goražde“.

Broj: 01-05-1-2725
Goražde, 08.07.2013. godine
PREDSJEDAVAJUĆA VIJEĆA
Jelena Mirković

1060

Po izvršenom sravnjavanju sa izvornim tekstom utvrđeno je da se u Odluci o izboru najpovoljnije ponude za zakup poljoprivrednog zemljišta u vlasništvu države na području Općine Goražde («Službene novine Općine Goražde», broj: 5/13), potkrala štamparska greška, te na osnovu člana 177. stav 3. Poslovnika Općinskog vijeća Općine Goražde («Službene novine Općine Goražde», broj: 2/08), a na prijedlog Službe za finansije, trezor i privredu, sekretar Općinskog vijeća Općine Goražde daje sljedeću:

ISPRAVKU

ODLUKE O IZBORU NAJPOVOLJNIJE PONUDE ZA ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU OPĆINE GORAŽDE

1. U članu 1. Odluke umjesto „Poljoprivredno zemljište, k.č. 145/2“ treba da stoji: „Poljoprivredno zemljište, k.č. 152/2“.
2. Ovu Ispravku objaviti u «Službenim novinama Općine Goražde».

Broj: 01-02-2-2763
Goražde, 10.07.2013.godine
PREDSJEDAVAJUĆA VIJEĆA
Jelena Mirković

SADRŽAJ

1042	ODLUKU o formiranju Popisne komisije Općine Goražde za popis stanovništva, domaćinstava i stanova u BiH 2013. godine	857
1043	ODLUKU o davanju prethodne saglasnosti za kreditno zaduženje, za realizaciju projekata razvoja infrastrukture u Goraždu	858
1044	ODLUKU <i>o prihvatanju ponude Bistrivoda Akifa i Lihic Enise za kupovinu neizgrađenog gradskog građevinskog zemljišta</i>	858
1045	ODLUKU o davanju u zakup garaže u vlasništvu Općine Goražde	859
1046	ODLUKU o davanju na korištenje poslovnih prostorija u vlasništvu Općine Goražde, JU Dom zdravlja "Dr. Isak Samokovlija" Goražde	860
1047	ODLUKU o davanju u zakup poslovne prostorije u vlasništvu Općine Goražde, BPS Sefer Halilović- Općinska organizacija Goražde	860
1048	ODLUKU o pristupanju izrade izmjena Regulacionog plana „Vitkovići“ Goražde	861
1049	ODLUKU o imenovanju Odbora za dodjelu javnih priznanja Općine Goražde	861
1050	ODLUKU o dodjeli kreditnih sredstava TR „HENA“, vl. Zuko Alma iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“	862
1051	ODLUKU o dodjeli kreditnih sredstava TR „MAGAZA“, vl. Mulahmetović Rešad iz Goražda, iz „Namjenskog depozita Općine Goražde u cilju bržeg zapošljavanja na području Općine Goražde“	863
1052- 1059	ZAKLJUČCI	864
1060	ISPRAVKU ODLUKE O IZBORU NAJPOVOLJNIJE PONUDE ZA ZAKUP POLJOPRIVREDNOG ZEMLJIŠTA U VLASNIŠTVU DRŽAVE NA PODRUČJU OPĆINE GORAŽDE	866

Izdavač: Općina Gorazde, Ul. M. Tita 2. 73000 Gorazde.

Glavni i odgovorni urednik: sekretar Općinskog vijeća Općine Gorazde, Samir Kanlić, tel: +38738221161 i pomoćnik načelnika Službe za javne servise i tehničke poslove, Sanid Zirak, tel: +38738221796.

Štampa GRAFOMERX Gorazde.